

## Band X., Nr. 4521, Seite 241

*Heinrich der junge Amman und seine Frau verkaufen an Kloster Kirchheim  
Güter zu Roßwälden.*

Kirchheim, 1294. Mai 26.

Alle die disen brief sehent oder horent lesen, die suln wiszen, daz Hainrich der amman der junge, maister Hainriches sæigen sun dez ammans von Bissingen, und sin husfrowe Soffie der priolinne und dem convente von Kirchain allez daz güt, daz sie ze Waldiu<sup>1</sup> heten, ez si an husern, an hofsteten, an garten, an ækkern, an wisen oder an holze, ez si en bu oder en unbu, mit allem dem rehte, daz dar zû gehoret, mit ir herren herzogen Hermans von Tecke hant und willen fur ain friez aigen geben und verkoufet hant umbe zwai und zwainzic phunt Haller munse, der sie gewert sint, wan daz sie in selben úsgenomen und behalten hant daz reht, daz sie an dem kirchunsazze ze Waldiu hant und daz holze, daz da haizet ze dem Buhel, daz ander hant sie in allez samt gigegeben fur ain friez aigen und suln ouch des ir wern sin nach rehte. Daz diz stete und an allen zwifel blibe, so ist dirre brief mit herzogen Hermans von Tecke insigel versigelt. Und zaim Urkunde unserre gunste und aller dirre dinge so henken wir unser insigel an disen brief durch ir bet beidenthalben. Bi disem koufe waren und sint sin ouch geziuge: Cûnrat der Zeller, Hertniet und Diepolt von Eberspach, Diepolt Morli und Cûnrat sin brüder, Griulich und sin brüder Lutfrit und ander erber geziuge ain michel tail.

Diz geschach ze Kirchain, do man zalte von gotes geburte zwelf hundert jar und vier und niunzic jar, an dem næhsten tage nach sant Urbans tage.

Textabdruck folgt dem Original (italienisches Perg.).

Siegel abgegangen.

---

<sup>1</sup>Roßwälden, Ebersbach an der Fils, GP.

## Überlieferung und Publikationen

**Lagerort:**

HStA Stuttgart

**Signatur/Titel des Originals:**

A 493 U 391

## Weitere Angaben

**Beschreibstoff:**

Pergament

**Sprache:**

Deutsch

**Ausstellungsort:**

Kirchheim

**Ortsindex:**

Bissingen an der Teck Wohnplatz (312)

Bissingen an der Teck, ES

Kirchheim unter Teck Wohnplatz (373)

Kirchheim unter Teck, ES

Roßwälden Wohnplatz (676)

Roßwälden, Ebersbach an der Fils, GP

Teck Wohnplatz (437)

Teck, Owen, ES